

Қазақстан Республикасы Энергетика министрінің "Мұнайды магистральдық мұнай құбырларымен тасымалдау графигін қалыптастыру қағидаларын бекіту туралы" 2015 жылғы 8 сәуірдегі № 276 және "Мұнай беру графигін қалыптастыру қағидаларын бекіту туралы" 2018 жылғы 17 мамырдағы № 191 бұйрықтарына өзгерістер енгізу туралы

Қазақстан Республикасы Энергетика министрінің 2023 жылғы 27 ақпандағы № 88 бұйрығы. Қазақстан Республикасының Әділет министрлігінде 2023 жылғы 6 наурызда № 32014 болып тіркелді

ЗҚАИ-ның ескертпесі!

Осы бұйрықтың қолданысқа енгізілу тәртібін 5 т. қараңыз

БҰЙЫРАМЫН:

1. "Мұнайды магистральдық мұнай құбырларымен тасымалдау графигін қалыптастыру қағидаларын бекіту туралы" Қазақстан Республикасы Энергетика министрінің 2015 жылғы 8 сәуірдегі № 276 бұйрығына (Нормативтік құқықтық актілерді мемлекеттік тіркеу тізілімінде № 11283 болып тіркелген) мынадай өзгеріс енгізілсін:

кіріспе жаңа редакцияда жазылсын:

"Магистральдық құбыр туралы" Қазақстан Республикасы Заңы 6-бабының 7) тармақшасына сәйкес **БҰЙЫРАМЫН:**";

көрсетілген бұйрықпен бекітілген Мұнайды магистральдық мұнай құбырларымен тасымалдау графигін қалыптастыру қағидалары осы бұйрыққа 1-қосымшаға сәйкес жаңа редакцияда жазылсын.

2. "Мұнай беру графигін қалыптастыру қағидаларын бекіту туралы" Қазақстан Республикасы Энергетика министрінің 2018 жылғы 17 мамырдағы №191 бұйрығына (Нормативтік құқықтық актілерді мемлекеттік тіркеу тізілімінде № 17072 болып тіркелген) мынадай өзгеріс енгізілсін:

көрсетілген бұйрықпен бекітілген Мұнай беру графигін қалыптастыру қағидалары осы бұйрыққа 2-қосымшаға сәйкес жаңа редакцияда жазылсын.

3. Қазақстан Республикасы Энергетика министрлігінің Мұнай тасымалдау және өндөу департаменті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты Қазақстан Республикасы Энергетика министрлігінің интернет-ресурсында орналастыруды;

3) осы бұйрықты Қазақстан Республикасы Әділет министрлігінде мемлекеттік тіrkегеннен кейін он жұмыс күні ішінде Қазақстан Республикасы Энергетика министрлігінің Заң қызметі департаментіне осы тармақтың 1) және 2) тармақшаларында көзделген іс-шаралардың орындалғаны туралы мәліметтерді ұсынуды қамтамасыз етсін.

4. Осы бұйрықтың орындалуын бақылау жетекшілік ететін Қазақстан Республикасының энергетика вице-министріне жүктелсін.

5. Осы бұйрық алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі.

Қазақстан Республикасы
Энергетика министрі

Б. Акчулаков

"КЕЛІСІЛДІ"

Қазақстан Республикасының
Индустрия және инфрақұрылымдық
даму министрлігі

"КЕЛІСІЛДІ"

Қазақстан Республикасының
Қаржы министрлігі

Қазақстан Республикасы
Энергетика министрі
2023 жылғы 27 ақпандығы
№ 88 бұйрығына
1-қосымша
Қазақстан Республикасы
Энергетика министрлігі
2015 жылғы 8 сәуірдегі
№ 276 бұйрығымен
бекітілген

Мұнайды магистральдық мұнай құбырларымен тасымалдау графигін қалыптастыру қағидалары

1-тaraу. Жалпы ережелер

1. Осы Мұнайды магистральдық мұнай құбырларымен тасымалдау графигін қалыптастыру қағидалары (бұдан әрі – Қағидалар) "Магистральдық құбыр туралы" Қазақстан Республикасы Заңы 6-бабының 7) тармақшасына сәйкес әзірленді және мұнайды магистральдық мұнай құбырларымен тасымалдау графигін қалыптастыру тәртібін айқындайды.

2. Осы Қағидаларда мынадай ұғымдар пайдаланылады:

1) графиктен үзінді көшірмелер – операторларға және Қазақстан Республикасы Қаржы министрлігінің Мемлекеттік кірістер комитетіне (бұдан әрі – Комитет)

жөнелтушілер мұнай тасымалдауға қағаз және электрондық тасығышта ай сайын уәкілетті орган жіберетін толық ақпарат;

2) жөнелтуші – өнім өндіруші болып табылатын тұлға немесе оны занды негіздерде сатып алған тұлға не олар уәкілеттік берген, өнімді тасымалдау жөніндегі қызметтерді ұсынуға арналған шарт негізінде магистральдық құбырмен тасымалдау үшін өнімді ұсынатын тұлға;

3) Қазақстан Республикасының ішкі қажеттіліктері – Қазақстан Республикасының аумағында тұтыну үшін қажетті мұнай көлемі;

4) магистральдық мұнай құбыры – мұнайды қауіпсіз тасымалдауды қамтамасыз ететін желілік бөліктен және объектілерден тұратын, техникалық регламенттер мен ұлттық стандарттар талаптарына сәйкес келетін бірыңғай өндірістік-технологиялық кешен;

5) мұнайды тасымалдау графигі – уәкілетті орган бекіткен мұнайды магистральдық мұнай құбырларымен және/немесе басқа көлік түрімен тасымалдау графигі;

6) мұнай тасымалдаушы ұйым - мұнайды тасымалдау жөніндегі қызметтерді көрсететін магистральдық құбырдың және/немесе басқа көлік түрінің меншік иесі;

7) оператор – мұнайды магистральдық мұнай құбырымен тасымалдауды және (немесе) оны пайдалануды жүзеге асыратын магистральдық мұнай құбырының меншік иесі немесе магистральдық мұнай құбырына өзге де занды негізде иелік ететін занды тұлға не олар уәкілеттік берген, операторлық қызметтер көрсететін ұйым;

8) тасымалдауға арналған өтінім – мұнайды магистральдық мұнай құбырымен тасымалдауға арналған өтінім (айлық);

9) уәкілетті орган – магистральдық құбыр саласындағы басшылықты және салааралық үйлестіруді жүзеге асыратын орталық атқарушы орган.

2-тaraу. Мұнайды магистральдық мұнай құбырымен тасымалдау графигін қалыптастыру тәртібі

3. Мұнайды тасымалдау графигі (бұдан әрі – График) магистральдық мұнай құбырының меншік иесінің Қазақстан Республикасының қолданыстағы заңнамасына сәйкес негіздерде не магистральдық мұнай құбырына өзге де занды негізде иелік ететін тұлғаның немесе олардың атынан осындағы қызметтер көрсетуге уәкілетті оператордың және мұнай жөнелтушінің арасындағы тиісті шарттар ескеріле отырып әзірленеді.

4. Графикті әзірлеу кезінде мынадай факторлар ескеріледі:

Қазақстан Республикасының уәкілетті органдың айқындастырылған көлемдердегі ішкі қажеттіліктері;

магистральдық мұнай құбырларының қолданыстағы техникалық өткізу қабілеті;

стандартты емес жағдайлар (хлорорганикалық қосылыстардың мөлшері бойынша рұқсат етілген мәндерден асып кету, отандық мұнай өндеу зауыттарындағы авариялық жағдайлар, мұнай өндеу зауыттарын жоспардан тыс жөндеуге тоқтату, электр

энергиясының ажыратылуы, экспорттық бағдарлардағы штаттан тыс жағдайлар, оның ішінде мұнай тасымалдауды шектеу);

енсерілмейтін күш мән-жайлары.

5. Ішкі нарықты мұнай өнімдерімен қамтамасыз ету үшін жер қойнауын пайдаланушыларға біркелкі жүктемені ұстап тұру мақсатында осы Қағидалардың 4-тармағында айқындалатын көлемдерді бөлу кезінде өнірлер бойынша пайыздық жүктеме ескеріледі.

Өнірлер бойынша пайыздық жүктеменің өзгерістерін өнірдегі жер қойнауын пайдаланушылардың мұнай өндіру деңгейіне байланысты, бірақ ұлғаю жағына қарай он пайыздан (жинақтаушы жүктеме) аспайтын өзгерістерді уәкілетті орган енгізеді.

6. Уәкілетті орган графикті әзірлеу кезінде, оның ішінде осы Қағидалардың 4-тармағында көрсетілген жағдайларда бекітілген графикке өзгерістер мен толықтырулар енгізу кезінде ресурстық база көлемдерін жедел бөлуге ауысады.

7. Жөнелтушінің графигін қалыптастыру үшін қағаз және/немесе электронды түрде уәкілетті органға осы Қағидаларға қосымшаға сәйкес нысан бойынша есепті айдың алдындағы, айдың оныншы күніне дейін жоспарланған айға мұнай тасымалдауға өтінім береді.

8. Жөнелтушілер уәкілетті органға мұнай тасымалдауға өтінім берген кезде пайыздық жүктемені ескере отырып өздерінің ресурстық базасын занды тұлғалар тобы шенберінде бөледі.

9. Бұл ретте мұнайды тасымалдауға өтінім еншілес ұйымдардың жазбаша келісімі болған кезде жөнелтушінің құрылтайшыларының (қатысуышыларының) атынан уәкілетті органға беріледі.

Әзінің занды тұлғалар тобы шенберінде жөнелтушінің құрылтайшыларының (қатысуышыларының) атынан уәкілетті органға график қалыптастыру үшін өтінім берілген жағдайда, жөнелтушінің құрылтайшылары (қатысуышылары) уәкілетті органды өзінің ресурстық базасын өзінің занды тұлғалар тобы шенберінде бөлу жөніндегі ниеттері туралы, бірақ алты айда кемінде бір рет хабардар етеді.

10. Ай сайын уәкілетті орган графиктен үзінді көшірмелерді есепті айдың алдындағы айдың жиырмасыншы күнінен кешіктірмей қарастырады және оператордың мұнай тасымалдау бойынша қызмет көрсетуге техникалық мүмкіндігінің растауы болғанда жөнелтушілер мен тиісті операторларға, сондай-ақ Комитетке орындау үшін жіберіледі.

Операторға (нетто салмағы бойынша), сондай-ақ Комитетке (брутто салмағы бойынша) жолданатын графиктен үзінді көшірмеге жөнелтушінің экспорт үшін және Қазақстан Республикасы аумағынан шығаруға жататын басқа оператордың магистральдық мұнай құбырлары жүйесіне беру (ауыстырып қую) үшін, Қазақстанның мұнай өндеу зауыттарына жеткізу (беру) үшін қарастырылған мұнай мөлшері, сондай-ақ басқа да ақпарат (келісімшарттың нөмірі және жөнелту бағдары) көрсетіледі.

Мұнайдың брутто массасы балласт массасын қосқанда мұнайдың жалпы массасы ретінде айқындалады. Балласт массасы мұнайдағы судың, хлорлы тұздардың және механикалық қоспалардың жалпы массасы ретінде айқындалады.

Мұнайдың нетто массасын мұнайдың брутто массасы мен балласт массасының айырымы ретінде айқындаиды.

11. Уәкілдегі орган графикке өзгерістер мен толықтыруларды жөнелтушіден түзету үшін жоспарлы айға мұнай тасымалдауға арналған еркін нысандағы өтінімді қабылдаған күнінен бастап бес жұмыс күні ішінде қарайды.

Графиктер, сондай-ақ оларға өзгерістер мен толықтырулар мұнай тасымалдау бойынша қызметтер көрсетуге техникалық мүмкіндігіне оператордың растауы болған кезде бекітіледі.

Мұнай тасымалдау бойынша қызметтер көрсетуге техникалық мүмкіндігі туралы растауды оператор уәкілдегі органның жедел сұратуы бойынша күнтізбелік бір күн ішінде еркін нысанда оған ұсынады.

Графикten үзінді көшірмелер графикке өзгерістер мен толықтыруларды қарau нәтижесінде операторға орындау үшін және Комитетке (мұнай экспорты кезінде) жіберіледі.

12. Мұнай тасымалдау бойынша қызметтер көрсетуге техникалық мүмкіндігін растау болмаған жағдайда, уәкілдегі орган бұл туралы жөнелтушіні хабардар етеді.

Мұнайды магистральдық
мұнай құбырларымен
тасымалдау графикін
қалыптастыру қағидаларына
қосымша

Нысан

Мұнайды магистральдық мұнай құбырларымен жоспарланатын айда тасымалдауға арналған өтінім

Компанияның атапуы:		Есепті ай:		Жоспарланатын айы:	
№	Көрсеткіштер	Есепті ай (нетто)		Жоспарланатын айға өтінім	
		жоспар	факт	нетто	брутто
1.	Барлық ресурстар:				
1.1.	Барлық өндөлген мұнай, оның ішінде: келісімшарттың нөмірі бойынша, келісімшарттың аумактың атапуы				
1.2.	Басқа көзден алынған мұнай*				

1.3.	Ай басына аудысатын қалдық			
2.	Операторға тапсыру			
3.	Ресурстарды тарату (3.1.+3.2.+3.3.+3.4.+3.5.):			
3.1.	Мұнайды мұнай өндeу зауыттарына жеткізу; оның ішінде (3.1.1.+3.1.2.+3.1.3.):			
3.1.1.	Атырау мұнай өндeу зауыты			
3.1.2.	Павлодар мұнай-химия зауыты			
3.1.3.	ПетроКазакстан ойл продактс			
3.2.	Роялти тапсыру			
3.3.	Каспий Құбыр Консорциумы (келісімшарттар бойынша)			
3.4.	Атырау-Самара (келісімшарттар бойынша), оның ішінде: (3.4.1.+3.4.2.):			
3.4.1.	Алыстағысы			
3.4.2.	Таяудағысы			
3.5.	Орынбор газ өндeу зауыты			
4.	Ай соцына аудысатын қалдық			

Ескертпе:

*оның ішінде, мұнайдың шығу зандылығын растайтын құжаттарды міндетті түрде қоса беріп басқа занды және/немесе жеке тұлғалардан сатып алынғаны.

Бірінші басшы: _____

Қолы: _____

2023 жылғы 27 акпандагы

№ 88 бүйрігіна

2-қосымша

Қазақстан Республикасы

Энергетика министрінің

2018 жылғы 17 мамырдағы

№ 191 бүйрігімен

бекітілген

Мұнай беру графигін қалыптастыру қағидалары

1-тарау. Жалпы ережелер

1. Осы Мұнай беру графигін қалыптастыру қағидалары (бұдан әрі – Қағидалар) "Жер қойнауы және жер қойнауын пайдалану туралы" Қазақстан Республикасының Кодексі 130-бабының 1-тармағына сәйкес өзірленді және мұнай беру графигін қалыптастыру тәртібін айқындайды.

2. Қағидаларда мынадай ұғымдар пайдаланылады:

1) графиктен үзінді көшірмелер – көмірсүтектер саласындағы уәкілетті орган мұнай тасымалдаушы ұйымдарға, мұнай өндеу зауыттарына және Қазақстан Республикасы Қаржы министрлігінің Мемлекеттік кірістер комитетіне (бұдан әрі – Комитет) ай сайын қағаз және (немесе) электрондық жеткізгіште жіберетін толық ақпарат;

2) "Қазақстан Республикасының жер қойнауын пайдалануды бірыңғай мемлекеттік басқару жүйесі" интеграцияланған ақпараттық жүйесі – жер қойнауын пайдалану саласындағы ақпаратты жинауға, сактауға, талдауға және өндеуге арналған көмірсүтектер саласындағы уәкілетті органның жер қойнауын пайдалануды бірыңғай мемлекеттік басқару жүйесі;

3) мұнай беру – мұнайды жөнелтушіден қабылдау пунктінен бастап алушыға тапсыру пунктіне дейін оны магистральдық құбыр бойынша қабылдау, тапсыру, айдау, мұнайды басқа магистральдық құбырларға қотару, қую, беру, басқа көлік түріне ауыстырып тиеу, сактау, араластыру процесі;

4) мұнай өнімдерін өндіруші – меншік құқығында және (немесе) өзге де заңды негіздерде мұнай өндеу зауыты бар және өндіріс паспортына сәйкес мұнай өнімдерін өндіруді, сондай-ақ өндірілген меншікті мұнай өнімдерін өткізуі және (немесе) алыс-беріс шикізатын қайта өндеу өнімі болып табылатын мұнай өнімдерін беруді жүзеге асыратын заңды тұлға;

5) мұнай тасымалдаушы ұйым – мұнайды беру жөніндегі қызметтерді көрсететін магистральдық құбырдың және (немесе) басқа көлік түрінің меншік иесі.

2-тарау. Мұнай беру графигін қалыптастыру қағидалары

3. Мұнай беру графигі (бұдан әрі – график) жер қойнауын пайдаланушылардың өтінімдері, мұнай және қайта өндіру өнімдерін өндіру жоспарлары және мұнай тасымалдаушы ұйымдардың техникалық мүмкіндіктері ескеріле отырып өзірленеді.

4. Графикті өзірлеу кезінде мынадай факторлар ескеріледі:

Қазақстан Республикасының уәкілетті органы айқындастырын көлемдердегі ішкі қажеттіліктері;

магистральдық мұнай құбырларының қолданыстағы техникалық өткізу қабілеті;

стандартты емес жағдайлар (хлорорганикалық қосылыстардың мөлшері бойынша рұқсат етілген мәндерден асып кету, отандық мұнай өндіру зауыттарындағы авариялық жағдайлар, мұнай өндіру зауыттарын жоспардан тыс жөндеуге тоқтату, электр энергиясының ажыратылуы, экспорттық бағдарлардағы штаттан тыс жағдайлар, оның ішінде мұнай тасымалдауды шектеу);

жер қойнауын пайдаланушылардың мұнай өндіруінің жалпы көлемі;

еңсерілмейтін күш мән-жайлары.

5. Ишкі нарықты мұнай өнімдерімен қамтамасыз ету үшін жер қойнауын пайдаланушыларға біркелкі жүктемені ұстап тұру мақсатында осы Қағидалардың 4-тармағында айқындалатын көлемдерді бөлу кезінде өнірлер бойынша пайыздық жүктеме ескеріледі.

Өнірлер бойынша пайыздық жүктеменің өзгерістерін өнірдегі жер қойнауын пайдаланушылардың мұнай өндіру деңгейіне байланысты, бірақ ұлғаю жағына қарай он пайыздан (жинақтаушы жүктеме) аспайтын өзгерістерді уәкілетті орган енгізеді.

6. Уәкілетті орган графикті өзірлеу кезінде, оның ішінде осы Қағидалардың 4-тармағында көрсетілген жағдайларда бекітілген графикке өзгерістер мен толықтырулар енгізу кезінде ресурстық база көлемдерін жедел қолмен бөлуге ауысады.

7. Графиктерді қалыптастыру үшін жер қойнауын пайдаланушылар көмірсутектер саласындағы уәкілетті органға (бұдан әрі – уәкілетті орган) есепті айдың алдындағы айдың бесіне дейін ай сайын осы Қағидаларға қосымшаға сәйкес нысан бойынша мұнай беру өтінімін (бұдан әрі – өтінім) электронды түрде "Қазақстан Республикасының жер қойнауын пайдалануды басқарудың бірыңғай мемлекеттік жүйесі" интеграцияланған ақпараттық жүйесі арқылы ұсынады.

8. Жер қойнауын пайдаланушылар уәкілетті органға өтінім берген кезде пайыздық жүктемені ескере отырып өздерінің ресурстық базасын занды тұлғалар тобы шенберінде бөледі.

9. Бұл ретте өтінім еншілес ұйымдардың жазбаша келісімі болған кезде жер қойнауын пайдаланушиның құрылтайшыларының (қатысушыларының) атынан, егер олар болса, уәкілетті органға беріледі.

Өзінің занды тұлғалар тобы шенберінде жер қойнауын пайдаланушиның құрылтайшыларының (қатысушыларының) атынан уәкілетті органға график қалыптастыру үшін өтінім берілген жағдайда, жер қойнауын пайдаланушылардың

құрылтайшылары (қатысушылары) уәкілетті органды өзінің ресурстық базасын өзінің занды тұлғалар тобы шеңберінде бөлу жөніндегі ниеттері туралы, бірақ алты айда кемінде бір рет хабардар етеді.

10. Графиктер есепті айдың алдындағы айдың жиырмасыншы күнінен кешіктірілмей, ай сайын қалыптастырылады.

11. Графиктен үзінді көшірмелер график қалыптастырылғаннан кейін бір жұмыс күні ішінде мұнай тасымалдаушы ұйымдарға, мұнай өнімдерін өндірушіге, сондай-ақ Комитетке орындау үшін жіберіледі.

Мұнай өнімдерін өндірушілерге жолданатын графиктен үзінді көшірmede Қазақстанның мұнай өндеу зауыттарына жеткізу (беру) үшін көзделген жер қойнауын пайдаланушының мұнай мөлшері (нетто салмағы бойынша) көрсетіледі.

Мұнай тасымалдаушы ұйымдарға (нетто салмағы бойынша) жолданатын графиктен үзінді көшірmede Қазақстанның мұнай өндеу зауыттарына, Қазақстан Республикасы аумағынан тысқары жерлерде орналасқан мұнай өндеу зауыттарына жеткізу (беру) үшін басқа мұнай тасымалдаушы ұйымның магистральдық мұнай құбырлары жүйесіне немесе көліктің басқа (теміржол, теңіз) түріне беру (аудыстырып құю) үшін көзделген мұнай мөлшері, сондай-ақ басқа да ақпарат (келісімшарттың нөмірі және жөнелту бағдары) көрсетіледі.

Мұнай тасымалдаушы ұйымдарға (нетто салмағы бойынша), сондай-ақ Комитетке (брутто салмағы бойынша) жолданатын графиктен үзінді көшірmede жер қойнауын пайдаланушының басқа мұнай тасымалдаушы ұйымның магистральдық мұнай құбырлары жүйесіне немесе көліктің басқа (теміржол, теңіз) түріне беру (аудыстырып құю) үшін көзделген мұнай мөлшері, сондай-ақ басқа да ақпарат (келісімшарттың нөмірі және жөнелту бағдары) көрсетіледі.

12. Уәкілетті орган графикке өзгерістер мен толықтыруларды жер қойнауын пайдаланушыдан түзету үшін жоспарланған айға мұнай тасымалдауга арналған еркін нысандағы өтінімді қабылдаған күнінен бастап бес жұмыс күні ішінде қарайды және бекітеді.

Графиктер, сондай-ақ оларға өзгерістер мен толықтырулар мұнай беру бойынша қызметтер көрсетуге техникалық мүмкіндігіне мұнай тасымалдаушы ұйымның растауы болған жағдайда бекітіледі.

Мұнай беру бойынша қызметтер көрсетуге техникалық мүмкіндігі туралы растауды мұнай тасымалдаушы ұйым уәкілетті органның жедел сұратуы бойынша құнтізбелік бір күн ішінде еркін нысанда оған ұсынады.

Графикten үзінді көшірмелер графикке өзгерістер мен толықтыруларды қарau нәтижесінде мұнай тасымалдаушы ұйымдарға және мұнай өндеу зауыттарына орындау үшін және Комитетке (Қазақстан Республикасы аумағынан тысқары жерлерде орналасқан мұнай өндеу зауыттарына жеткізу кезінде) бір жұмыс күні ішінде жіберіледі.

13. Уәкілетті орган әрбір жер қойнауын пайдаланушы үшін мұнай өнімдерін өндірушіге шикі мұнай жеткізу көлемін айқындаиды.

Көлемді айқындау кезінде уәкілетті орган "Мұнай өнімдерінің жекелеген түрлерін өндіруді және олардың айналымын мемлекеттік реттеу туралы" Қазақстан Республикасының Заңына сәйкес бекітілетін мұнай және (немесе) қайта өндеу өнімдерін өндеу және мұнай өнімдерін беру жоспарларын басшылыққа алады.

Мұнай беру графигін
қалыптастыру қағидаларына
қосымша

Нысан

Мұнай беруге өтінім

Жер қойнауын пайдаланушының атауы:

Есептік ай:

Жоспарланатын ай:

№	Көрсеткіштер	Жоспарланатын айға өтінім	
		нетто**	брутто***
1.	Ресурстардың барлығы (1.1.+1.2.+1.3.)		
1.1.	Келісімшарттар және келісімшарттық аумақтардың атауы бөлінісінде мұнай өндіру:		
1.2.	Басқа көздерден алынған мұнай *		
1.3.	Келісімшарттар, келісімшарттық аумақтардың атауы және басқа да көздерден алынған мұнай бөлінісінде айданағы ауыспалы қалдық		
2.	Ресурстарды бөлу (2.1.+2.2.)		
2.1.	Мұнайды мұнай өндеу зауыттарына жеткізу (2.1.1.+2.1.2.+2.1.3.+2.1.4.+2.1.5.):		
2.1.1.	Атырау мұнай өндеу зауыты		
2.1.2.	Павлодар мұнай-химия зауыты		
2.1.3.	ПетроҚазақстан ойл продактс		

2.1.4.	Ақтау қаласындағы битум зауыты		
2.1.5.	Басқа да мұнай өндіеу зауыттары		
2.2.	Келісімшарттар, келісімшарттық аумақтардың атауы және басқа да көздерден алынған мұнай бөлінісіндегі бағыттары бойынша мұнай экспорты (2.2.1.+2.2.2.+2.2.3.+2.2.4.+2.2.5.+2.2.6+2.2.7.)		
2.2.1.	Каспий Құбыр Консорциумы		
2.2.2.	Атырау - Самара		
2.2.3.	Атасу - Алашанъкоу		
2.2.4.	Ақтау порты		
2.2.5.	Темір жол көлігімен		
2.2.6.	Орынбор газ өндіеу зауыты		
2.2.7.	Экспорттың басқа да бағыттары		
3.	Мұнайды теміржол көлігімен беру (3.1.+3.2.+3.3.+3.4.):		
3.1.	Экспортқа, мұнай құю эстакадасынан (атауы)		
3.2.	Мұнай өндіеу зауытына, мұнай құю эстакадасынан (атауы)		
3.3.	Атырау, мұнай құю эстакадасынан төгу (атауы)		
3.4.	Ақтау порты, мұнай құю эстакадасынан (атауы)		
4.	Келісімшарттар, келісімшарттық аумақтардың атауы және басқа да көздерден алынған мұнай бөлінісінде айдың сонындағы ауыспалы қалдық		

Ескертпе:

* оның ішінде жер қойнауын пайдалануға арналған келісімшарттың нөмірі мен күнін, келісімшарт шенберіндегі кен орны, онда өндірілген мұнай және жұмыс түрлерін

(барлау, өндіру) міндетті түрде көрсете отырып, бөгде заңды және (немесе) жеке тұлғалардан сатып алынған;

** мұнайдың нетто массасын мұнайдың брутто массасы мен балласт массасының айырмасы ретінде айқындаиды;

*** мұнайдың брутто массасы балласт массасын қосқанда мұнайдың жалпы массасы ретінде айқындалады.

Бірінші басшы:

Қолы:

Күні:

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК